



Broj: KPV: 10/05
Sarajevo, 24.10.2005. godine

U IME BOSNE I HERCEGOVINE

Sud Bosne i Hercegovine, u vijeću sastavljenom od sudija Malcolm-a Simmonsa, kao predsjednika vijeća, te sudija Lars Folke Nystrom-a i Mehmeda Šatora kao članova vijeća, uz sudjelovanje zapisničara Alispahić Emire, u krivičnom predmetu protiv optuženog Tasovac Željke, zbog krivičnih djela organizovanog kriminala iz člana 250. stav 3. Krivičnog zakona Bosne i Hercegovine (u daljem tekstu: KZ BiH) i dr, postupajući po optužnici Tužilaštva Bosne i Hercegovine broj KT: 349/04 od 06.05.2005. godine, nakon što je prihvatio pismeni sporazum o priznanju krivnje, na pretresu za izricanje krivičnopravne sankcije u prisustvu branioca optuženog, Senke Nožice, advokata iz Sarajeva, optuženog Željke Tasovca lično, te tužiteljice Marie Jesus Moya Martinez, dana 24.10.2005. godine, donio je i javno objavio sljedeću :

P R E S U D U**Optuženi:**

Željko Tasovac, sin Dobre i majke Darinke, rođene Kapor, rođen 15.03.1962. godine u opštini Trebinje, sa prebivalištem na adresi Ul. Nikole Tesle broj 23, JMBC 1503962153955

K R I V J E**Što je:****Pod tačkom 1:**

Sudjelovao u dobro organiziranoj kriminalnoj grupi koja je imala za cilj da stupi u kontakt sa licima sa područja Srbije i Crne Gore, Hrvatske, Federacije BiH, kao i iz nekih zapadnoevropskih zemalja, kao što su Švicarska, Njemačka i Italija, a čiji identitet nije otkriven u toku istrage.

Kraljice Jelene br. 88, 71 000 Sarajevo, Bosna i Hercegovina, Tel: 033 707 100, Faks: 033 707 225
Краљице Јелене бр. 88, 71 000 Сарајево, Босна и Херцеговина, Тел: 033 707 100, Факс: 033 707 225



Gore pomenuta lica su djelovala kao mreža angažovanih dobavljača koji su obezbjeđivali vozilo, bilo činjenjem krivičnih djela teških krađa, iznajmljivanjem od rent-a-car kuća ili fiktivnim krađama, odnosno takozvanim „skidanjem“ osiguranja osiguravajućih kuća, pripremali putnička kao i teretna motorna vozila veće vrijednosti, snabdijevajući ista lažnim kupoprodajnim ugovorima i pratećom dokumentacijom, falsifikujući pri tome brojeve šasija mehaničkim ili laserskim metodama, kombinujući dijelove (šasiju, motor, mjenjač, auto radio-kasetofon) od više različitih motornih vozila i dobijajući pri tome jedno vozilo za koje je obezbjeđena prateća dokumentacija, gdje se takvo vozilo preko posrednika dalje distribuiralo do krajnjih kupaca, bilo savjesnih ili nesavjesnih.

Dakle, organizovana grupa je na taj način nezakonito uvozila motorna vozila na teritoriju Bosne i Hercegovine.

Tasovac Željko, djelujući kao pripadnik te organizovane kriminalne grupe, počinio je slijedeća djela:

Pod tačkom 3:

Krivično djelo falsifikovanje isprave iz člana 377. stav 2. KZ Republike Srpske u vezi sa članovima 54. i 13. KZ BiH u sticaju sa krivičnim djelom krijumčarenje iz člana 214. KZ BiH.

Dana 16.04.2003. godine, optuženi Tasovac Željko je nabavio motorno vozilo SUV „BMW X5“ iz Njemačke i lažno ga registrovao na sebe na osnovu falsifikovane carinske deklaracije i pečata Poreskog ureda Mostar. Pri tome je računao na odlučujuću pomoć gđice Stanić Ivane iz Mostara, koja je pomoću kompjutera skenirala pečat poreskog ureda Mostar, te na odlučujuću pomoć gosp. Prce Željka, policajca koji je radio kao referent za registraciju motornih vozila i koji je, prema prethodnom dogovoru, prihvatio ove dokumente kao originalne.

Nakon registracije, Tasovac Željki je izdata saobraćajna dozvola broj BH 0860079 za putničko motorno vozilo marke „BMW X5“ broj šasije WBFAFA71040LN05585, broj motora 29560, i registarske tablice broj 521-J-830.

Pripadnici istražnog tima MUP-a RS su izvršili dalje provjere u vezi sa naprijed navedenim vozilom preko Interpola, a Interpol u Wiesbadenu ih je obavijestio da vozilo sa šasijom broj WBFAFA71040LN05585 ne postoji, ali da postoji vozilo sa šasijom broj WBFAFA710X0LN05585. Odgovarajući broj motora je 26189849, a vozilo je isporučeno u Italiju 2001. godine.



Pod tačkom 8:

Krivično djelo falsifikovanje isprave iz člana 377. stav 2. KZ RS u vezi sa članovima 54. stav 2. i 13. stav 1. KZ BiH u sticaju sa krivičnim djelom krijumčarenje iz člana 214. KZ BiH.

Dana 08.12.2003. godine, optuženi Tasovac Željko je nabavio motorno vozilo marke „Volkswagen VW Passat 3 BG“ broj šasije WVWZZZ3BZ3P103080, broj motora AUB140084, koje je registrovano u Centru javne bezbjednosti Trebinje na Bjelica Maru iz Trebinja, i nakon registracije, za naprijed navedeno vozilo su izdate registarske tablice broj 870-T-124.

Ovo je vozilo bilo oslobođeno plaćanja carine i poreza na osnovu invaliditeta Bjelica Mare rješenjem broj 02/1-483 UP/1-281/2003 od 02.12.2003. godine, koje je izdalo Ministarstvo finansija – Republička uprava carina, carinarnica Trebinje, koja je izvršila uvid u kupoprodajni ugovor, zaključen između Bjelica Mare iz Trebinja, ulica Majke Jugovića 2 i Ligurri Toto, rođenog 12.03.1962. godine u Milanu, s prebivalištem u Milanu, ulica Bloco Volli 99. Ugovor je ovjeren od strane javnog notara iz Udina, dr. Camelli Perluigi di Paolino, pod brojem veze 286/03 od 02.11.2003. godine.


Pod tačkom 10:

Krivično djelo falsifikovanje isprave iz člana 377 KZ RS u vezi sa članovima 54. i 13. KZ BiH u sticaju sa krivičnim djelom krijumčarenje iz člana 214. KZ BiH.

Dana 04.05.2005. godine, optuženi Tasovac Željko je nabavio motorno vozilo marke Audi A 4 2,5 TDI karavan, broj šasije WAUZZZ8E43A395936, broj motora AFG281429, koristeći se falsifikovanim kupoprodajnim ugovorom i nezakonitom vlasničkom knjigom, te ja na taj način registrovao ovo vozilo u Banja Luci na ime Vukajlović Miloša, iako je znao da ovo lice nikada nije bilo vlasnik navedenog vozila. Na osnovu ovih neoriginalnih dokumenata naveo je carinsku deklaraciju broj C 6260.

Provjerom na carinskoj ispostavi Gradiška utvrđeno je da su pod brojem C 6260 uvezena i ocarinjena garažna vrata s opremom od strane ICM-Trejd Banja Luka, a ne putničko motorno vozilo marke „Audi A4“ od strane Vukajlović Miloša. Daljim provjerama gore navedenog vozila je utvrđeno da prema izvještaju NCB Interpola Wiesbaden, vozilo marke „Audi A4“ sa brojem šasije WAUZZZ8E43A395936 ne postoji, ali da postoji vozilo marke Audi A4 sa brojem šasije WAUZZZ8E53A395936, i da je registrovano u Njemačkoj sa registarskim tablicama broj OGFR 711.

Na ovaj način optuženi Tasovac Željko izvršio je nezakonit uvoz gore navedenog vozila na teritoriju BiH.



Dana 11.11.2004. godine, odjeljenje krim-policije MUP-a RS je na osnovu naloga za pretres, koji je izdao Sud BiH, izvršio pretres raznih prostorija, uključujući i stan u vlasništvu Željke Tasovca.

Prilikom ovog pretresa, odjeljenje krim-policije MUP-a RS oduzelo je kopiju lične karte Vukajlović Miloša, kao što je opisano pod tačkom 19 u Izvještaju o izvršenju naredbi broj 14-02/4-230-229/04 koji je podnesen Sudu BiH.

Pod tačkom 13:

Krivično djelo falsifikovanje isprave iz člana 377 KZ RS u vezi sa članovima 54. i 13. KZ BiH u sticaju sa krivičnim djelom krijumčarenje iz člana 214.KZ BiH

Dana 10.03.2005. godine, optuženi tasovac Željko je MUP-u Hercegovačko-Neretvanskog kantona Mostar podnio zahtjev za prijavu prebivališta u Ortiješu, općina Mostar-Jug, radi izdavanja lične karte CIPS projekta, o čemu postoji potvrda o primljenom zahtjevu pod brojem 02-18/3-15-445-MB8-1893 od 10.03.2003. godine. Tasovac je nabavio vozilo marke Audi „A 8 2.5 TDI“ , broj šasije WAUZZZ4DZYN011262.

Dana 17.03.2003. godine Tasovac Željko je podnio zahtjev Policijskoj upravi Mostar za registraciju putničkog motornog vozila marke „Audi A8“ crne boje, broj šasije WAUZZZ4DZYN011262. Uz zahtjev za registraciju vozila navedeno lice je priložilo jedinstvenu carinsku ispravu broj 11899 od 14.03.2003. godine na kojoj se preduzeće „LAL-M“ iz Minhena pojavljuje kao izvoznik, a Željko Tasovac kao uvoznik. Carinska procedura je izvršena posredstvom špeditera „Jarkić“ d.o.o. ulica Kralja Tomislava, Čitluk. Uz zahtjev su takođe priloženi račun preduzeća „LaL-M“ iz Minhena, vlasnička knjiga vozila broj CA039006 sa prevodom ovjerenim od strane stalnog sudskog tumača, te dokumentacija o plaćenim dadžbinama. Na osnovu ove dokumentacije, policijska uprava Mostar je registrovala putničko motorno vozilo marke „Audi A8“ i izdala saobraćajnu dozvolu broj 0859419 i registarske tablice broj 343-M-282.

Pod tačkom 15:

Krivično djelo nedozvoljena proizvodnja i promet oružja ili eksplozivnih materija iz člana 399. KZ RS

Dana 11.11.2004. godine, službenici MUP-a RS su izvršili pretres kuća, stanova i ostalih prostorija i vozila Tasovac Željke i tom prilikom su pronašli slijedeće naoružanje i municiju:

- Revolver TAURUS – Brazil, fabrički broj IJ223565, kalibra 357 Magnum i 55 metaka za 357 Magnum



- Pištolj češka „Zbrojevka“ fabrički broj D-62884, kalibra 7,65mm, s jednim okvirom (8 metaka kalibra 7,65mm) i 42 metka kalibra 7,65mm
- Automatsku pušku „Crvena Zastava“ M-70 A 52, fabrički broj 391785, kalibra 7,62, s jednim okvirom i 29 metaka kalibra 7,62 za pušku
- Pištolj češka „Zbrojevka“ 75 B, kalibra 9mm, fabrički broj 4920M, sa šaržerom u kojem se nalazilo petnaest metaka kalibra 9mm.

Čime je:


- pod tačkom 1. počinio krivično djelo organizovanog kriminala iz člana 250. stav 1. KZ BiH,
- pod tačkom 3. krivično djelo falsifikovanje isprave iz člana 377. stav 2. KZ RS , u vezi sa članovima 54. i 13. KZ BiH, u sticaju sa krivičnim djelom krijumčarenje iz člana 214. KZ BiH,
- pod tačkom 8. krivično djelo falsifikovanje isprave iz člana 377. stav 2. KZ RS u vezi sa članovima 54. stav 2. i 13. stav 1. KZ BiH u sticaju sa krivičnim djelom krijumčarenje iz člana 214. KZ BiH,
- pod tačkom 10 krivično djelo falsifikovanje isprave iz člana 377 KZ RS u vezi sa članovima 54. i 13. KZ BiH u sticaju sa krivičnim djelom krijumčarenje iz člana 214. KZ BiH,
- pod tačkom 13 krivično djelo falsifikovanje isprave iz člana 377 KZ RS u vezi sa članovima 54. i 13. KZ BiH u sticaju sa krivičnim djelom krijumčarenje iz člana 214. KZ BiH,
- pod tačkom 15. krivično djelo nedozvoljena proizvodnja i promet oružja ili eksplozivnih materija iz člana 399. KZ RS

Pa mu sud, primjenom odredaba iz člana 6, 48, 49. i 50. Krivičnog zakona Bosne i Hercegovine za počinjeno krivično djelo

Pod tačkom 1. organizovani kriminal iz člana 250. stav 1. KZ BiH utvrđuje kaznu zatvora u trajanju od jedne (1) godine i četiri (4) mjeseca;

Pod tačkom 3. falsifikovanje isprave iz člana 377. stav 2. KZ RS , u vezi sa članovima 54. i 13. KZ BiH u sticaju sa krivičnim djelom krijumčarenje iz člana 214. KZ BiH utvrđuje kaznu zatvora u trajanju od četiri (4) mjeseca;

Pod tačkom 8. falsifikovanje isprave iz člana 377. stav 2. KZ RS u vezi sa članovima 54. i 13. KZ BiH u sticaju sa krivičnim djelom krijumčarenje iz člana 214. KZ BiH utvrđuje kaznu zatvora u trajanju od četiri (4) mjeseca;



Pod tačkom 10. falsifikovanje isprave iz člana 377 KZ RS u vezi sa članovima 54. i 13. KZ BiH u sticaju sa krivičnim djelom krijumčarenje iz člana 214.KZ BiH utvrđuje kaznu zatvora u trajanju od četiri (4) mjeseca;

Pod tačkom 13. falsifikovanje isprave iz člana 377 KZ RS u vezi sa članovima 54. i 13. KZ BiH u sticaju sa krivičnim djelom krijumčarenje iz člana 214.KZ BiH utvrđuje kaznu zatvora u trajanju od četiri (4) mjeseca;

Pod tačkom 15. nedozvoljena proizvodnja i promet oružja ili eksplozivnih materija iz člana 399. KZ RS utvrđuje kaznu zatvora u trajanju od osam (8) mjeseci.

Na osnovu člana 53. Krivičnog zakona Bosne i Hercegovine optuženi Tasovac Željko se

OSUĐUJE NA JEDINSTVENU KAZNU ZATVORA U TRAJANJU OD TRI (3) GODINE

Na osnovu člana 56. KZ BiH optuženom se u jedinstvenu kaznu zatvora ima uračunati vrijeme koje je proveo u pritvoru počev od 11.11.2004. godine pa do stupanja na izdržavanje kazne prema ovoj presudi.

Na osnovu člana 188. stav 1. ZKP BiH optuženi se obavezuje da nadoknadi troškove krivičnog postupka, o čijoj će visini sud odlučiti posebnim rješenjem, po pribavljanju podataka.

Suprotno prednjem, na osnovu člana 283. stav 1 tačka c) Zakona o Krivičnom postupku BiH, a u odnosu na tačke 4, 5, 6, 7 i 9 optužnice, prema optuženom Tasovac Željki

OPTUŽBA SE ODBIJA

Da je:

Pod tačkom 4.

Putničko motorno vozilo marke „VW Golf 1.9 TDI“, crne boje, broj registarskih tablica 142-K-238, broj šasije VWZZZ1JZ3D023271, je registrovano na osnovu fasifikovane dokumentacije (falsifikovanog pečata Poreskog ureda Mostar) na ime Papac Miro, u policijskoj stanici Mostar.

Prema izjavi Papac Mire, Perutina Mile je uz pomoć referenta za registraciju u policijskoj upravi Mostar- Prce Željka, registrovao navedeno vozilo na njegovo ime.



U toku pretresa stana i ostalih prostorija Tasovac Željka 11.11.2004. godine, pronađena je punomoć za upravljanje tuđim motornim vozilom, koju je Tasovac Željki dao Papac Miro iz Mostara, Buna bb.

Dozvolu je izdao Moto klub Mostar, za korištenje motornog vozila marke „VW Golf 1.9 TDI“, crne boje, broj registarskih tablica 142-K-238, za koje je izdata saobraćajna dozvola broj BH 0960184 25.04.2003, što ukazuje da je Željko Tasovac bio u posjedu ili stvarni vlasnik ovog vozila i da je navedeno vozilo nabavio korištenjem gore navedene falsifikovane dokumentacije,

Čime bi počinio krivično djelo falsifikovanje isprave iz člana 377. stav 2. KZ RS

Pod tačkom 5.

Dana 30. 05. 2003 godine, računajući na presudnu pomoć Prce Željka i Stanić Ivane, nabavio je motorno vozilo marke „Toyota Land Cruiser 3.0 TD“, registarskih tablica 139 - A - 441, br. Šasije JTEBZ29J100014135, koje je registrovao referent za registraciju motornih vozila, Prce Željko na Duraković Kemala, bez njegovog znanja, tako što je koristio falsifikovanu carinsku deklaraciju i pečat Poreske uprave Mostar. Saobraćajna dozvola je takođe izdata na njegovo ime.

U toku pretresa kuće Stanić Ivane, pronađen je dio dosijea gore navedenog vozila, što znači da je ista pripremila falsifikovane dokumente na osnovu kojih je, uz pomoć Prce Željka, registrovala gore navedeno vozilo u Policijskoj upravi Mostar. Ovo vozilo je registrovano na osnovu falsifikovane kopije deklaracije italijanske auto kuće, fotokopije italijanske kopije knjige vozila. Provjerom na carinarnici Mostar i u Poreskom uredu Mostar utvrđeno je da navedeno vozilo nije ocarinjeno, te da za isto, te da za isto nije plaćen porez.

U svojoj izjavi, Prce Željko navodi da je vozilo registrovano na Tasovac Željka i da je on vlasnik navedenog vozila, čija zakonita kupovina nije dokazana u originalnoj dokumentaciji.

Čime bi optuženi Tasovac Željko počinio krivično djelo falsifikovanje isprave iz člana 377. stav 2. KZ RS u vezi sa članovima 54. stav 2. i 13. stav 1. KZ BiH u sticaju sa krivičnim djelom krijumčarenje iz člana 214. KZ BiH

Pod tačkom 6.

Dana 18.07.2003. godine na osnovu falsifikovane dokumentacije, Tasovac Željko je registrovao teretno motorno vozilo marke „MAN“, broj šasije WMAT48ZZZ1M326008, broj motora 3769166109B281, godina proizvodnje 2000, u odjelu za registraciju motornih vozila, gdje je zaposlen Prce Željko, na preduzeće „HP Investing est-in“ d.o.o. Mostar i izdate su mu registarske tablice br. 626 - J - 934. navedeno vozilo je prodao za 119.500 KM preduzeću „Ruding“ d.o.o.



Srpsko/Istočno Sarajevo i zaključio kupoprodajni ugovor, ovjeren kod općine Mostar Jugozapad, Služba opće uprave, broj ovjere 12312 od 05.08.2003 godine.

Prilikom pretresa stana i ostalih prostorija Tasovac Željka izvršenog 11.11.2004 godine pronađena je i privremeno oduzeta fotokopija kupoprodajnog ugovora, zaključenog između „HP Investing est - in“ d.o.o. kao prodavca i „Ruding“ d.o.o. kao kupca, kao i fotokopija saobraćajne dozvole za teretno motorno vozilo marke „MAN“, registarskih tablica 626 - J - 934.

Pravno porijeklo gore navedenog motornog vozila nije utvrđeno nikakvim dokumentima.

Interpol u Wiesbadenu je obavjestio da je vozilo sa šasijom broj WMAT48ZZZ1M326008 registrovano u Njemačkoj do 10.02.2004 godine sa izvoznom registracijom broj AC - 183U, dok motor broj 3769166109B281 pripada vozilu sa šasijom broj WMAT485156M279032, te da je vozilo registrovano u Njemačkoj do 30.08.1999 sa registarskim tablama broj DAH - 660J.

Čime bi optuženi Tasovac Željko počinio krivično djelo produženo krivično djelo falsifikovanje isprave iz čl. 377 stav 2 KZ RS, u vezi sa članovima 54 stav 2 i 13 stav 1 KZ BiH u sticaju sa krivičnim djelom krijumčarenje iz člana 214 KZ BiH

Pod tačkom 7.

Dana 16.09.2003 godine motorno vozilo marke „Peugeot 307 2.0 HDI“, godina proizvodnje 2002, broj šasije VF33CRHSB82542682, broj motora 4090741, registrovano je u Centru javne bezbjednosti Trebinje, i za isto je izdata saobraćajna dozvola broj BH1562326 i registarske tablice broj 907 - J - 212.

Vozilo je registrovano na Bojić Dragu iz Trebinja, Dubrovački put bb. Vozilo je oslobođeno plaćanja carine na osnovu invaliditeta Bojić Drage, rješenjem broj 02/1 - 483/1 broj UP/1 - 211/03 dana 17.09.2003 godine, koje je izdalo Ministarstvo finansija - Republička uprava carina, Carinarnica Trebinje, koji je izvršio uvid u kupoprodajni ugovor zaključen između Bojić Drage iz Trebinja, Bubrovački put bb i Zanellato Giusepea rođenog 21.07.1961 godine u Trstu /TS/, s prebivalištem u Trstu ulica Castello 53A, pod repertoarom broj 371/03 od 29.08.2003.

Upoređujući djelovodne brojeve „repertoar broj 286/03 od 02.11.2003 godine“, za kupoprodajne ugovore kod javnog bilježnika iz Udina dr. Camelli Pierlugi di Paolino, utvrđeno je da je niži broj repertoara za viši datum, što bi trebalo biti obrnuto. Stoga se može zaključiti da su ugovori falsifikovani, te lica na koja su vozila registrovana u svojim izjavama tvrde da nikada nisu bila u Italiji.



Bojić Drago u svojoj izjavi navodi da je on gore navedenu povlasticu na osnovu invalidnosti prodao posredstvom Delić Nikole, odnosno Nikolinosog sina Jovana, a koji je potom istu prodao Tasovac Željku za 750 KM.

Čime bi optuženi Tasovac Željko počinio krivično djelo produženo krivično djelo falsifikovanje isprave iz člana 377 stav 2 KZ RS

Pod tačkom 9.

Dana 05.01.2004 godine, optuženi Tasovac je nabavio motorno vozilo marke Toyota Land Cruiser, ATV Model 3.0 TD, metalik sive boje, broj šasije JTEAZ29J200012411 i broj motora EN1070840 koristeći falsifikovani kupoprodajni ugovor zaključen između auto kuće Auto Faust, kao prodavca i Đukić Gorana kao kupca. Na taj način on je nezakonito registrovao navedeno vozilo u CJB Prijedor na ime Đukić Gorana. Nakon ove nezakonite registracije za ovo vozilo su izdate registraske tablice broj 835 - J - 215.

Optuženi Tasovac je s ciljem izbjegavanja obaveze plaćanja carina i akciza, izdao falsifikovanu carinsku deklaraciju na carinskoj ispostavi Gradiška, deklaracija broj C27455. ova deklaracija se ustvari uopće ne odnosi na ovo motorno vozilo, nego na uvoz i carinjenje miceluma za pečurke i komposta sa micelumom pod brojem C27455.

Približna vrijednost ovog motornog vozila je 26.5000,00 EUR, te je izbjegnuto plaćanje carine u iznosu od 8.320,00 EUR i poreza na promet i ostalih dažbina u iznosu od 12.063,00 KM.

Čime bi optuženi Tasovac Željko počinio krivično djelo produženo krivično djelo falsifikovanje isprave iz člana 377 stav 2 KZ RS u vezi s članovima 54 stav 2 i 13 stav 1 KZ BiH u sticaju s krivičnim djelom carinske prevare iz člana 216 KZ BiH

Na osnovu člana 189. stav 1. ZKP BiH troškovi postupka u ovom dijelu presude padaju na teret budžetskih sredstava.

O B R A Z L O Ž E N J E

Tužilaštvo Bosne i Hercegovine, Poseban odjel za organizovani kriminal, privredni kriminal i korupciju, podnijelo je dana 06.05.2005. godine ovom sudu optužnicu broj KT 349/04 protiv Željke Tasovca, Bodiroga Dragomira i Vase Glibe, zbog krivičnih djela organizovani kriminal, iz člana 250. Krivičnog zakona BiH, falsifikovanje isprave iz člana 377. KZ Republike Srpske (u daljem tekstu KZ RS) ,

Kraljice Jelene br. 88, 71 000 Sarajevo, Bosna i Hercegovina, Tel: 033 707 100, Faks: 033 707 225
Краљице Јелене бр. 88, 71 000 Сарајево, Босна и Херцеговина, Тел: 033 707 100, Факс: 033 707 225



krijumčarenje iz člana 214. KZ BiH te nedozvoljena proizvodnja i promet oružja ili eksplozivnih materija iz člana 399. KZ RS.

Optužnica je potvrđena 10.05.2005. godine.

Dana 21.06.2005. godine optuženi su pozvani da se izjasne o krivnji, nakon čega se optuženi Tasovac Željko izjasnio da nije kriv, dok su Bodiroga Dragomir i Glibo Vaso izjavili da su sa Tužilaštvom BiH postigli sporazum o priznanju krivnje.

Postupak je, potom, u odnosu na Tasovac Željka razdvojen. Na ročištu za glavni pretres, održanom 17.10.2005. godine, stranke su predložile da se isti prekine kako bi sklopile sporazum o priznanju krivnje.

Sporazum je sudu podnesen na razmatranje na ročištu održanom 24.10. 2005. godine.

Postupajući u smislu člana 231. stav 4. ZKP BiH, a nakon vijećanja i glasanja vijeće je sporazum usvojilo prethodno utvrdivši sljedeće:

Optuženi Tasovac Željko, u prisustvu svoga branioca Senke Nožice, zaključio je 21.10.2005. godine, pismeni sporazum o priznanju krivnje sa tužiteljem Tužilaštva Bosne i Hercegovine. Ovim sporazumom optuženi je priznao krivnju za krivična djela iz tačaka jedan, tri, osam, deset, trinaest i petnaest optužnice, dok je Tužilaštvo povuklo optužbe za krivična djela iz tačaka 4, 5, 6, 7 i 9 optužnice.

Sve su strane saglasne da se optuženom za navedena krivična djela izrekne jedinstvena kazna zatvora u trajanju od tri godine, a optuženi se obavezao i da će Tužilaštvu (državnom ili entitetskom) ili njegovim ovlaštenim predstavnicima, prema svom znanju ili čvrstom uvjerenju dati potpune, tačne i istinite činjenice, okolnosti i detalje koji se odnose na optužbe u optužnici, uključujući, ali ne ograničavajući se na radnje, postupke i umješanost svih poznatih i nepoznatih saučesnika.

Sud je, nadalje, razmatrajući sporazum o priznanju krivnje, utvrdio da je do sporazuma došlo dobrovoljno, svjesno i sa razumijevanjem pravnih posljedica koje iz njega proističu, uključujući i posljedice vezane za imovinskopравни zahtjev, troškove krivičnog postupka, te da se potpisivanjem istog optuženi odrekao prava na suđenje te da ne može uložiti žalbu na krivičnopravnu sankciju koja će mu se izreći.

Cijeneći dokaze koje je Tužilaštvo priložilo uz optužnicu, sud je utvrdio da isti u cijelosti potvrđuju krivnju optuženog za djela koja mu se stavljaju na teret.

Imajući u vidu sve gore navedeno, vijeće smatra da su u cijelosti ispunjene odredbe iz člana 231. stav 4. Zakona o krivičnom postupku BiH, te je prihvatilo sporazum o priznanju krivnje.



Prihvatajući krivičnu sankciju u pogledu koje su optuženi i Tužilaštvo BiH postigli saglasnost, vijeće je, cijeneći opća pravila za odmjeravanje kazne, u skladu sa članom 48. KZ BiH, primjenilo i odgovarajuće odredbe za ublažavanje kazne, kako je to propisano u članu 49. KZ BiH, uzimajući u obzir da je optuženi priznao izvršenje djela koja mu se optužnicom stavljaju na teret, izrazio spremnost na saradnju sa Tužilaštvom u cilju otkrivanja drugih saučesnika, te da ranije nije osuđivan za ista ili istovrsna krivična djela. Utvrdivši prethodno pojedinačnu kaznu za svako od navedenih dijela za koja je priznao krivnju, vijeće je primjenom odredbe iz člana 53. KZ BiH optuženom izreklo jedinstvenu kaznu zatvora u trajanju od 3(tri) godine, smatrajući da će se takvom kaznom u cijelosti ostvariti svrha kažnjavanja, kako je to propisano u članu 39. KZ BiH.

Budući da se optuženi nalazi u pritvoru od 11.11.2004. godine, to mu je sud, u smislu člana 56. KZ BiH, u izrečenu kaznu zatvora uračunao vrijeme koje je proveo u pritvoru.

Na osnovu člana 188. stav 1. ZKP BiH sud je obavezao optuženog da nadoknadi troškove krivičnog postupka, a kako u momentu izricanja krivično pravne sankcije sud nije imao sve podatke o njihovoj visini, to će posebnim rješenjem, u smislu odredbe iz člana 186. stav 2. ZKP BiH utvrditi njihovu visinu.

Obzirom da je Tužilaštvo BiH na glavnom pretresu odustalo od tačaka 4, 5, 6, 7 i 9 optužnice, to je sud, u smislu člana 283. stav 1. tačka c. donio presudu kojom se optužba odbija, a troškovi koji se odnose na ovaj dio presude, u smislu člana 189. stav 1. ZKP BiH padaju na teret budžetskih sredstava.

Sudija Malcolm Simmons
Predsjednik pretresnog vijeća

Zapisničar:
Alispahić Emira

Potvrđujem da ovaj prijevod u potpunosti odgovara izvorniku sačinjenom na engleskom jeziku.
Sarajevo, 07.11.2005. godine

Sanja Maunaga

Stalni sudski tumač za engleski jezik

Sanja Maunaga



Kraljice Jelene br. 88, 71 000 Sarajevo, Bosna i Hercegovina, Tel: 033 707 100, Faks: 033 707 225
Краљице Јелене бр. 88, 71 000 Сарајево, Босна и Херцеговина, Тел: 033 707 100, Факс: 033 707 225